

BONERIANO®

Ora ku mi ta bon, mi ta bon pero ora ku mi ta malu mi ta mihó.

EDITOR:
Bonaire Communication Services N.V.

Djasabra 15 yüli 2023 |

Preis: \$1.25

POLIS DEN AKSHON

Apertura lobi Warehouse Supermarket



Djabièrnè mainta a tuma lugá apertura ofisial di e lobi nobo di Warehouse Supermarket. Ta trata di e último parti di e renobashon pa e supermarket. Philip Winkel, e direktor nobo a bisa nan ta super kontentu ku awor e supermarket ta kompletamente kla, pa sigui duna e bon servisio na nos dushi pueblo di Boneiru.

Prome barku di fruta ta yega Boneiru

PAG 5

CHANGAN AUTO



CS55 PLUS

[/dabboussimotors](#)

xerox™



OBERSI ELECTRONICS BONAIRE

\$10 FREE SLOT PLAY

Sign up for your FREE Player's Card and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

LIVE FM 99

PA TUR BO PIESA I TIRE PA BO AUTO, BUS OF TRUCK



KAYA CARLOS A. NICOLAAS | 717-6272

Un konekshon ku sklabbitut

Hòmbernan Boneriano no ta papia fásil tokante nan emoshonnan

KRALENDIJK – Hòmbernan Boneriano no ta papia fásil tokante nan emoshonnan. Esaki ta un ehèmpel di kon pasado di sklabbitut ainda ta sigui traha riba nos bida diario, e sikólogo kurasoleño, Shandery Rosalina, ta bisa den un entrevista ku Marit Severijnse di Caribisch Netwerk.

Rosalina, huntu ku siki- atra Glenn Helberg, resi- entemente a guia un work- shop na Boneiru tokante hòmber i emoshon. Un 80 hòmber asina a presensia e workshop. “E kantidat akí nos no a spera,” Rosalina ta konta. “Nos a pone nos speransa riba 40, pues tabata hopi impreshonante pa mira.”

Ròl di edukashon

Durante e workshop a papia mas entre otro tokante e ròl ku edukashon di hòmber a hunga ku nan no ta papia fásil tokante nan sintimentunan, pero tambe e pasado di sklabbitut a bini dilanti.

Kon fásil òf difísil hòm- bernal Boneriano ta papia tokante nan sintimentu. “No asina fásil. Loke nos a topa ta ku hòmbernan ta bisa ku den nan edukashon hopi biá nan a bin tende ku nan no mester demostrá nan emoshon. Ku bo mes- ter komportá bo mes na un sierto momentu, pasobra di otro manera bo no ta sufisi- entemente fásil. Hopi de- sendiente di katibu p’esei awendia tin problema ku nan emoshonnan,” segun Rosalina.

Seksualidat tambe a bini dilanti komo algu ku ta papia masha poko di dje. Esaki mester keda investigá prinsipalmente propio. Hopi hòmber a lanta eduká dor di mama soltero. Esaki nan atrobe a tuma e estilo di edukashon di generashonnan promé, Rosalina ta haña.

Repartishon di tarea

Di unda e idea a bini, ku hòmbernan no por demostrá nan emoshonnan, Rosalina ta haña ku esaki

tin di aber ku sklabbitut. Ta- bata usa hòmbernan, kati- bunan, komo ehèmpel kon bo mester komportá bo mes. Bo mester ta fuerte i prinsipalmente no de- mostrá emoshon, sino bo ta haña straf.

Rosalina: “Pero sí nos wak bèk mas aleu, e tin di aber tambe ku e reparti- shon di tarea. E hòmbernan tabata bai yag i e muhé- nan tabata keda kas pa e muchanan i sòru pa trabou di kas. Dor di esei a forma tambe un sierto imágen di kon hòmbernan i muhé- nan mester ta.”

Puntrá kiko el a kai ariba mas aleu durante e workshop, Rosalina a bisa momentu ku e hòmbernan a haña e oportunitat, nan a bai mas profundo ku otro den kombersashon tokante emoshon. Tokante kon nan edukashon tabata i patron- chinan ku nan ke kibra.

Nos a tende ku hòmber- nan realmente ta atendé pa mehorá nan mes. No sola- mente nan mes, pero tam- be nan famia.

Oportunitat pèrdí

Pa loke ta trata papia tokante emoshon, sí e ta ripará un diferencia entre hòmbernan Boneriano i hòmbernan di Europa Hu- landes, Rosalina a bisa un hòmber Europa Hulandes por duna mas tantu palabra na su sintimentu. E ora ei bo ta haña algu mas den imágen kiko ta sosodiendo.

Un hòmber Boneriano por esaki muchu ménos fásil. Por ehèmpel nan por bisa ku algu no ta sinti nan bon, pero mester sigui puntra promé ku bini mas transparensia tokante un situashon.

Apesar ku a saka un buki di mucha pa hasi emoshon mas papiabel i sí esaki ta yuda, Rosalina ta splika: “Ya mi tambe a usa e buki serka muchanan. E ta yuda pa duna palabranan i loke

bo ta sinti i seguidamente tambe kiko bo tin mester pa hasi algu na e emoshon- nan. E pida akí ántes mi no tabatin.”

Puntrá kiko ta remarka- bel ku ta en realidat hòm- bernal no ta aparesé den e buki.

Rosalina: “Lástima, pero mi ta pensa ku esaki ta bai huntu ku stereotipo di mamanan soltero i wela komo parti di e famia. Sigur un oportunitat pèrdí. Ta spera ku ta bai bini un di dos parti ku un hòmber aserka, pasobra e ora ei bo por skèts un mihó imágen di kiko lo ta ideal.”

Rosalina i Helberg ta planiá pa tene mas work- shop pa hende hòmber.

E workshop tabata ini- siativa di Mental Health Caribbean.



Ougùstùs SZW ta na Rincon

KRALENDIJK- Uni- dat Asuntunan Sosial i Empleo (SZW) di Rijks- dienst Caribisch Neder- land (RCN) den luna di ougùstùs lo ta na Rincon. Pensionadonan ku ta ri- sibí AOV òf AWW i ta na Rincon, tin e chèns pa hasi e kontrol di ta na bida du- rante e bishita aki.

SZW ta akklará un bia mas e situashon mirando un artíkulo ku sali den BONERIANO ku e título “Nos grandinan meresé mihó”. Den e artíkulo pen- shonadonan ta reklamá e echo ku nan a bai Cocari pa e kontrol aki pero no ta- batin niun hende di SZW.

Bosero di SZW a splika ku nan no a hasi yamada pa grandinan presentá na Cocari djaluna 10 di yùli último. E konfushon a sur- gi na momentu ku Cocari eróneamente a manda u whasapp i invitá tur grandi enbes di su klientenan so.

Esaki a okashoná ku algun grandi a presentá na e sitio sin tin mester.

Mester mensioná ku e sistema ku a organisá e kontrolnan di na bida aki a sòru pa basta malkon- tentu. Hopi hende ta haña ku SZW por a hasi e kon- trolnan aki mas fásil pa nos grandinan dor di dren- ta kada bario. SZW na su turno a splika ku nan tim ta muchu chikí pa por eheku- tá esaki i ademas semper e pensionado ku tin difikul- tat pa yega Playa por yama i lo yega na un solushon. Trahadónan di SZW, den kolaborashon ku instansi- anan pa biba i pasadia, ta ehekutá e kontrolnan aki pa e pensionadonan ku ta biba den e instansianan aki na e sitio mes.

SZW ta enfatisá ku ta den luna di ougùstùs nan lo ta den Rincon. E fecha i orario nan lo anunsiá despues.



Pronóstiko di tempu pa Boneiru

Djabièrnè 14 te Djasabra 15 Yùli 2023
Chèns pa un áwaseru

Ta parsialmente te hopi nublá ku chèns pa un áwaseru. E tem- peratura máksimo lo ta aproksimadamente 32°C e temperatu- ra mínimo mas o ménos 27°C. E bientu ost ta moderá te basta fuerte, forsa 4-5. Djabièrnè bientu por bira fuerte de bes en kuando, forsa 6.

Altura di ola: 2.0-2.5 m (6-8 pia)

* Altura di ola válido pa laman grandi

POLIS DEN AKSHON

KRALENDIJK- Agen- tenan di Kuerpo Poli- sial Hulanda Karibense (KPCN) ayera a tene ak- shon pa medio di no ehersé na tarea den e edifisio di warda di polis. Ya pa basta tempu den indikashon ku e situashon paden di e edi- fisio ta dañino pa salú di hende, pero te ainda no a hasi nada pa remediá esaki. Mientrastantu e situashon a eskalá i ayera polis ta ninga di drenta den e edifisio.

Miembronan di direk- tiva di sindikato di polis NAPB Kòrsou a yega Bo- neiru i a haña un rekorido den e edifisio di KPCN. Despues di esaki nan a re- uní ku nan miembronan ku a vota pa awe masalmente

no drenta den e edifisio. “Polis ta traha pero no ta drenta den e edifisio”, Taisa Lo-A-Njoe, presidente di NAPB a splika.

‘Sick Building Syndrome’

Ya pa algun tempu a konstatá ‘sick building syn- drome’ den e edifisio aki. Aña pasá a hasi un inves- tigashon i a saka un rapòrt ku públikamente no ta ak- sesibel.

Segun e resultado di e investigashon den edifisio tin kuater beskein ku no ta peligroso pa bida di hende pero sí ta rekerí atenshon urgente. **BONERIANO** ta disponé di informashon ku tin vários kolaboradó di KPCN ku a bira malu

pa motibu di e kondishon aki. Algun polis ta sufri di problemanan respiratorio pa motibu di a traha den e edifisio.

Tin tur indikashon ku mando di KPCN lo a premirá ku malkontentu

bou di trahadónan ta eska- lando i a trata na aktua na un manera preventivo.

For di djaluna KPCN a saka un komunikado di prensa notifikando ku e ‘in- takebalie’ di warda di polis ta muda temporalmente en

konekshon ku mantenshon den e edifisio.

Awor a eksigí un se- gundo investigashon di un kompania eksterno. Mién- tras no tin klaridat polis no ta drenta den e edifisio.



POLÍTICA

Elvis Tjin Asjoe a ekspandé famia

KRALENDIJK- Eks lider di partido polítiko di MPB a bolbe bira tata i ekspandé su famia ku 9 puitu mas.

Awor e tin 15 galiña ku e ta kuida ku alma i kurpa. E ta kumpra galiña serka Daymiro. E negoshante aki tin alrededor di 2 mil galiña ku ta produsí 200 kaha di webu pa siman. Segun Tjin Asjoe kum-

pra serka hende lokal ta demonstrá kon ta sostené nos mes hendenan.

Kuida bestia ta hòbi di e polítiko. “Na kas semper nos tabatin galiña, kabritu i para di mondi. Stima bestia i atendé ku naturalesa ta mi hòbi.” Su galiñanan ta produsí 1 kaha di webu pa dia. Pa su propio uso pero tambe pa parti pa demas hende.



Carola Schouten tambe ta bandoná polítika

DEN HAAG – E prominente di ChristenUnie, Carola Schouten di 45 aña, ta bandoná polítika asina ku tin un gabinete nobo atrobe. E ke terminá ainda su periodo komo vise promé minister i minister pa maneho di pobresa, partisipashon i penshun, demishonario promé.

Den un deklarashon, Schouten ta laga sa ku e tin 12 aña intensivo den polítika na Den Haag tras di lomba. “Tin un generashon nobo kla di kua mi sa ku ChristenUnie tin bon konfiansa den nan.”

Anteriormente e siman akí, otro prominente di Gabinete Rutte IV, a anunsiá nan salida. Ta trata di

Mark Rutte di VVD i Sigrid Kaag di D66.

Wopke Hoekstra di CDA, a laga sa ku e no ke ta lider polítiko mas i no ta mira futuro mas den Tweede Kamer, pero e no ta ekskluí un regreso komo minister. E paisahe polítiko pues lo bai kambia drástikamente.

Na 2011 Schouten a drenta Tweede Kamer. Na 2017 el a bira vise promé minister i minister di agrikultura, naturalesa i kalidat di kuminda den Gabinete Rutte III.

Den e funshon akí el a hañ'è di aber ku e krisis di nitrógeno i e protestanan di kunukero ku a sigui.



Mark Rutte ta bandoná polítika

DEN HAAG- Asina e entretantu èks polítiko a anunsiá djaluna mainta 10 di yùli. E anuncio ta bini despues ku siman pasá el a entregá Rei retiro di su gabinete. Konsekuentemente Rutte no ta disponibel komo trekdó di lista di e partido VVD den e próksimo elekshonnan.

“Djadumingu mi a disidí ku mi no ta disponibel komo trekdó di lista pa VVD den e próksimo elekshon.”

Karera polítiko

Esaki ta pone fin na Rutte su karera polítiko largu (56). For di 14 di òktober 2010 e tabata promé minister, loke ta hasié e promé minister di Hulanda ku mas aña di servisio. Rutte ke kaba ku e mandato aktual di gabinete demisionario, pero despues di esei e lo no bira promé minister mas. “Opviamente mi a pensa riba esaki for di e situashon di djabièrnè”, Rutte ta bisa. “Djadumingu mainta mi a tuma e desishon definitivo. Mi ta kere ku esaki ta e momentu apropiá”.

Rutte: “Esaki ta algu ku

semper bo ta hasi ku hopi emoshon i ku sentimentu kontrali.” E promé minister saliente a informá e kumbre di partido VVD riba djadumingu atardi di su desishon. “Mi ta hasi esaki pasobra mi ta kere ku ta un trabou maravioso i mi lo ke lucha pa sigui, pero na mes momentu mi mester puntra mi mes kada bes durante elekshon: kiko ta korekto? I esaki ta sinti bon. “E ta yama esaki' un eskoho di bida, ku nos tur mester hasi

un dia'. “Esaki ta un momento asina.”

Ken lo sigui Rutte komo trekdó di lista, ainda no ta konosí. “Pa VVD ta importante ku tin hendenan kapabel,” Rutte ta bisa. “Mi ta konvensí ku lo tin un bon trekdó di lista.” El a gradisí tur siudadano pa e apoyo ku el a risibí komo promé minister. Presidente di partido VVD, Eric Wetzels, a anunsiá ku e hunta di partido lo nominá un kandidato nobo e siman akí.



Prome barku di fruta ta yega Boneiru

KRALENDIJK – Dia 18 di yüli 2023 t’asina leu i Boneiru por yama bon biní na e promé barku for di Puerto Cabello. E merkansia ku nan trese no ta destiná pa benta lòs den haf. Empresanan lokal ku ta disponé di e pèrmitnan nesario pa esaki ta impor-

tá e merkansianan akí. Riba e punto akí no a bini kam-bio kompará ku e situashon promé ku a sera frontera ku Venezuela.

Pa basta tempu kaba Boneiru ta sperando riba e barkunan for di Venezuela ku bèrdura, fruta i material di konstrukshon. Na aña

2019 Venezuela a sera fron-tera via laman ku Boneiru. For di 3 di aprel 2023 a habri esaki atrobe. Ku entusiasmo diputado Jolinda Craane ta spera binida di e promé barku venesolano. Entidat Públiko Boneiru ta traha huntu ku e outoridatnan konserní pa hasi esaki

posibel. ‘E hafnan di Tucacas i Puerto Cabello ku semper a duna servisio na Boneiru, tabata konfrontando algun desafio,’ segun Jolinda Craane, e diputado ku ta enkargá ku asuntunan ekonómiko. ‘Awor akí nan ta hasiendo e preparashonnan pa kuminsá atrobe ku e tráfiiko marítimo entre Venezuela i Boneiru.’

Na aña 2019 Venezu-ela a sera frontera. Segui-damente e islanan ABC a sera frontera pa motibu di e vírüs di corona. Jolinda Craane: ‘Durante e lunanan tras di lomba Entidat Públiko Boneiru, ministerio di Asuntunan Eksterno, ofisina di haf, e kwartier-maker di ekonomia, duana i agensianan lokal a hasi e preparashonnan nesario. Nan a traha huntu ku outo-ridatnan venesolano pa hasi

komèrsio atraves di laman posibel atrobe. Si bo wak e eksperensianan na Kòrsou i Aruba, nos por spera ku na Boneiru tambe e produk-tonan lo ta mas barata.’

Diputado Jolinda Craane ta mira apertura di frontera via laman komo un paso importante pa habitantenan i mundu empresarial di Boneiru. ‘E barkunan ta sòru pa un oferta mas grandi di bèrdura, fruta i material di konstrukshon.

Esaki ta sòru pa preis mas abou i ta kontribuí na e esfuerso ku Kolegio Ehe-kutivo ta hasi pa sostené forsa di kompra di nos konsumidónan. E abastesimen-tu for di Venezuela ta kom-plementá e oferta aktual na Boneiru. Esaki ta brinda sierto oportunitatnan pa doñonan di tienda lokal i pa importadónan.’



Van Huffelen ta spera di por kontinuá ku dokumento mínimo sosial

KRALENDIJK – Sek-retario di Estado dem-ishonario, Alexandra van Huffelen, ta spera ku Tweede Kamer lo no

deklará e dokumento di mínimo sosial kontrover-sial. E mandatario a papia di e deseo akí djabièrnè den un kombersashon via

Zoom ku media Karibense. Dia 6 di sèptèmber e komishon di relashon di Reino di Tweede Kamer ta stipulá na kua doku-

mento e gabinete demi-shonario por sigui traha. Van Huffelen ta mantené su mes mará ku tres aña pasá no a deklará ningun tema di Reino kontrover-sial, pero e tempu ei no tabatin dokumento ku ta-batin konsekuensia riba e presupuesto di Reino. Esaki ta awor ku entre otro e mínimo sosial, e imple-mentashon di WW i hasi konekshon aéreo pagabel, sí ta e kaso.

Optimismo manera semper e sekretario di es-tado ta, el a anunsiá di ke stipulá e mínimo so-sial dia promé di òktober, pero esaki lo no sosodé. Te rònt di e fecha akí e komishon Thodé lo ofresé su kon-sehonan na Ministerio Schouten di maneho di pobresa, pa despues ainda e gabinete mester formulá un reakshon.

Esaki posiblemente ta bini djis promé ku e debate

di Parlamento tokante e presupuesto di Asuntunan Sosial i Oportunitat di Trabou, riba un fecha den transkurso di novèmber.

Pa siudadanonan di Ka-ribe Hulandes, sinembargo e fecha riba kua ta stipulá e mínimo so-sial ta ménos importante ku e momentu di implementashon. ‘Mas lihé posibel,’ van Huffelen a bisa djabièrnè tokante es-aki sin duna un indikashon di tempu.

Anteriormente e manda-tario sí ya a bisa ku promé di yanüari 2024 no ta re-alístiko, pasobra e buraku ta muchu grandi pa ser’é den un biá. Sí lo oumentá e salario mínimo legal i ku esaki e kompensashonnan, a sali na kla for di un karta ku el a manda e siman akí pa Tweede Kamer. Tokante e grandura di e oumento, mester konsultá mas lat e aña akí ku partnernan sos-ial riba e islanan.

Rotary Club Bonaire ta sostené kaso penal di Unkobon

KRALENDIJK- Tur hende ta realisá ku po-bresa ta e problema sos-ial di mas grandi aki na Boneiru. E lucha kontra e pobresa aki ta un re-sponsabilidad di gobièrnu di Hulanda for di aña 2010, miéntras ku po-bresa a sigui krese. Na 2022, Unkobon a inisiá un kaso penal pa obligá Reino Hulandes pa in-trodusí un mínimo so-sial similar ku esun di Hulanda den un término kòrtiku. Pa duna sosten i aportá na e meta sosial aki, Rotary Club Bonaire a duna un donashon di \$5.000 na Unkobon.

Den parti oropeo di Hulanda, un mínimo so-sial pa kombatí pobresa ta wòrdu implementá pa dèkada largu. Tur ha-bitante di Hulanda tin derecho na un entrada ku ta sufisiente pa kubri e gastunan di bida. Si entrada for di trabou òf negoshi ta insufisiente, Gobièrnu ta suplementá esaki.

Pa e habitante nan di e islanan BES, Bonaire, Saba i Statia ainda tin un eksepshon. Pa e habitante nan di Hulanda den e enti-datnan públiko aki, no tin un mínimo sosial. Hopi hende, inkluso esun nan

ku ta traha, tin un en-trada ku nan no por biba for di dje. Kuarenta por-shento di e poblashon ta bibando den pobresa, pa motibu ku gobièrnu nan di Hulanda durante asi-na tantu tempu kasi no a kumpli ku nan deber di kuido pa nan habitante nan na Boneiru, Saba i Statia.

Na nòmber di Un-kobon, Harry Somers a risibí un chèk simbó-liko. Despues, ela duna un splikashon detayá tokante e kaso penal i a gradisí Rotary pa e sos-ten finansiero.

Sindikalista Wim van Lamoen den Herensia

KRALENDIJK – Herensia, produsí pa Fundashon Histórikò Boneriano (FuHiKuBo), ta presentá den su di dos programa pa e siman aki un persona di Kòrsou: Wim van Lamoen. Banda di su trabou den gobièrnu, Van Lamoen tin un karera impreshonante den sindikalismo.

Den e programa aki Wim van Lamoen ta papia ampliamente di su infansia, hubentut i su famia. Por ehèmpel tambe di skol

i otro eksperensianan ku e tin di e tempu aya.

Esaki sigur no ta e promé entrevista ku Wim van Lamoen pa Herensia. Ta opvio ku den solamente un programa no por atendé tur faseta di su bida.

E programa ta bai den aire awe djasabra mèrdia 12'or na Bonaire.tv, ku ripitishon te ku djaluna 8'or di anochi.

Willem Hendrik van Lamoen ta nasé dia 23 di ougùstus 1952.



OM trahando riba retraso

KRALENDIJK – Tin tur indikashon ku Ministerio Públiko (OM) ta trahando pa remediá e retraso den su tareanan. Anteriormente BONERIANO a kuestioná e echo ku OM no tabata ehekutá su tareanan na tempu. Banda di esaki, a bin dilanti ku OM ta tarda pa trese kasonan dilanti hues. Nos fuentenan a konfirmá ku tabatin echanan kastigabel ku a tuma lugá for di aña 2018, 2019, 2020 ku praktikamente a keda den lachi, sin nunca bin dilanti.

Den e último dos lunanan Korte den Promé Instansia a atendé kasonan di aña 2018 te ku awor. Ta konosí ku OM di Boneiru tabata konfrontá retonan konserní skarsedat di trahadó. Dado momentu a ku-

minsá un proseso intensivo pa rekrutá kolaboradónan ya asina por yega na un bon forsa di formashon. Miéntras tantu por nota resultado di esaki.

Vários persona ku a kometé un echo kastigabel a pensa ku OM a seponé e kaso mirando ku ya basta tempu a pasa sin e kaso a bin dilati. Esaki ta enserá ku OM ta disidí pa no persigui un echo kastigabel. Hopi biaha ta skohe pa seponé un kaso ora ta konserní sierto delitonan mas chikí.

Awor ta haña e sorpresa ku nan mester responsabilisá nan mes dilanti hues. Den práktika nos ta ripará ku Korte ta tene kuenta ku ya basta tempu a pasa kaba, na momentu di determiná e midí di kastigu.



Konteo anual di lora

KRALENDIJK -- Echo ta organisá e konteo di lora anual djasabra 29 di yüli. E konteo anual ta un evento ku ta tuma lugá 2 biá pa aña, na momento ku diferente boluntario ta bishitá sitionan na unda lora ta drumi, pa asina kontá kuantu lora ta ubiká nan mes na e sitio, di e forma akí yuda midí e poblashon aktual di e para endémiko di Boneiru.

Ku e resultado di kuantu lora aproksimadamente tin riba nos isla, Echo por determiná kon e poblashon ta desaroyá su mes i bini ku mihó implementashon pa akshon di konservashon.

Por ta difísil pa kontá e loranan, mirando kon nan ta agrupá nan mes pa drumi i lanta mainta, tambe e echo ku nan no ta para na un sitio pa un tempu largu.

Pa medio di un konteo

simultanio na diferente sitio ku e loranan ta pasa anochi, e chèns pa kontá dèbel ta keda redusí i un promedio di e poblashon di lora por keda kalkulá.

Durante e periodo akí, e loranan ta drumi den grupo mas grandi kual ta hasié e momento perfekto pa kontá lora. Boluntarionan ku ta deseá na partisipá i yuda kontá lora, mester bishitá e sitio indiká promé ku salida di solo i warda e momento ku tur lora lanta i bula bai for di e sitio na unda nan ta drumi, asina kontando durante e tempu kòrtiku ku e loranan ta bandoná e sitio.

Finalmente ta kompilá e informashon pa por kompará ku datonan histórikò pa yuda determiná sí e poblashon di lora ta kresiendo riba Boneiru.

Durante e último añanan ta mira un kresementu den e number i ta spera ku e aña aki un biá mas ta un konteo

eksitoso.

Echo ta buskando boluntario ku ke djòin e konteo binidero pa asina por kubri tur e diferente sitionan konosí unda lora ta drumi riba Boneiru. Mas sitio por kubri, mas presis e resultado di konteo por ta.

Sí ta interesá pa partisipá, tuma kontakto ku Echo via email Echo-bonaire@gmail.com òf tambe por Whatsapp na +5997011188 pa inskribí komo boluntario.

Por favor tuma nota ku dia 26 di yüli ta último dia pa inskribí komo boluntario.

Komo gradisimentu pa e boluntarionan ku partisipá na e konteo di lora, Echo ta organisá un desayuno despues di e konteo for di na Magazina di Rei, na unda tambe lo check e resultado preliminar.



Ecu Construction & Cleaning B.V. se busca
- albañiles - carpintero y pintor

Comunicarse al teléfono **780-2800**

Konseho Insular ta boga pa mihó suministro di informashon

KRALENDIJK -- Durante un reunion èkstra di Konseho Insular djamars 11 di yùli, e miembronan di e konseho a trata i aprobá e kuenta anual di Entidat Públiko

Boneiru. E frakshonnan di UPB i MPB, a vota na favor, miéntras ku frakshon di Demokrat a vota kontra.

Den e mesun reunion e miembronan di Konseho

Insular ku énfasis a supliká Kolegio Ehekutivo pa di awor en adelante kompartí informashon na tempu ku Konseho Insular, o sea publiká esakinan riba wèpsait di Enti-

dat Públiko Boneiru. Te ku awe esaki no a kana kompletamente manera mester ta, loke ta sòru pa inkumbiniensia innesesario.

Ta trata di prinsipalmente dokumentunan ku ta nesario pa preparashon di e diferente reunionnan, òf pa e desishonnan ku Kolegio Ehekutivo a tuma.

Konseho Insular ta e órganu mas haltu di gobernashon na Boneiru i ta konsistí di representantenan di pueblo elegí di nos isla i tin komo tarea primario pa kontrolá Kolegio Ehekutivo ku ta

konsistí di gezaghebber i e tres diputadonan.

Risibí informashon na tempu, ta di importansia esensial pa por kumpli ku e tarea akí i por sierto ta un di e kriterionan di mas importante di bon gobernashon.

Dentro di poko na nivel haltu di gobernashon kòmbersashonnan lo tuma lugá pa konhuntamente trese solushonnan padilanti pa di e manera akí mehorá e komunikashon mutuo i e fluho di informashon di Kolegio Ehekutivo pa Konseho Insular.



Programanan di Bonaire.tv

TELBO kanal 70
Flamingo TV kanal 23

Djasabra 15 yùli 2023

12.00 Herensia:	Wim Hendrik van Lamoen
13.00 Aki Boneiru:	Hòfi Kultura Opening
14.00 Herensia:	Ka'i Mamai na Bonaire 1
15.00 BAPA:	Charlton Thomas
16.00 Herensia:	Renate van der Bijl
17.00 Konsierto:	Homenage póstumo Cedride
19.00 BAPA:	Chaira Borderslee
20.00 Aktualidat:	Elvis Tjin Asjoe
21.00 Aki Boneiru:	Seru di bentana 2018
22.00 Herensia:	Rudy Naaldijk
23.00 BAPA:	Anthony Cecilia

Djadumingu 16 yùli 2023

12.00 Herensia:	Maura Christina Janga-Saragoza
13.00 Dokumental:	Rincon Di Ayera Pa Awe
14.00 Herensia:	Pedro Higinio (Pachi) Theodora
15.30 Puerto Latino:	Luis Zárraga
16.00 Herensia:	Wim Hendrik van Lamoen
17.00 Aki Boneiru:	Hòfi Kultura Opening
18.00 Herensia:	Ka'i Mamai na Bonaire 1
19.00 BAPA:	Charlton Thomas
20.00 Herensia:	Renate van der Bijl
21.00 Konsierto:	Homenage póstumo Cedride
23.00 BAPA:	Chaira Borderslee

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



Bonaire Krant

UW EILAND, UW KRANT!

KON TA KU BO MENTE?

“Lo Bo warda den pas perfekto esun ku su pensamentu ta permanesé den Bo, pasobra e ta konfia den Bo ...” Isaias 26:3(BS)

Ken awendia no tin nesidat di pas? Nos kurason i mente ta anhelá na pas, trankilidat i alivio. Nos ta yen di preshon i preokupashon: preshon di trabou, di famia, preshon di tempu, preokupashon finansiero, preokupashon pa nos salú ... asina nos por sigui menshoná. Hende ta buska pas mental konstantemente, pasobra nos mente ta akusá nos, ta bisa nos ku nos no tin balor, ta trese nos pasado den nos presente, ta keda bisa nos ku no tin solushon.

E gritu ta: “Mi mente ta kansa mi. E no ta para ketu!” Esaki ta e bos interior ku por molestiá i akusá nos. Fásilmente hende ta buska solushon den píldora pa drumi òf remedi ku nan ta yama ‘trankilisante’.

Tin solushon? Hende por disfrutá di un mente na pas? Awèl, Esun ku a krea hende tin ‘e solushon’. Dios Kreador di shelu, tera i di hende, ta ‘Jehovah Shalom’, ke men Señor Dios ta Pas! Den Beibel, Dios Su Manual pa bida, E ta duna nos e solushon pa un mente na pas. E solushon ta: laga bo pensamentu permanesé den Dios! Permanesé ta duna e idea di keda 24/7 konektá ku Dios di Pas. Komo resultado Dios mes ta warda bo mente den pas perfekto. El a krea nos, E sa nos nesidatnan, E tin e solushon kaba i ... E mes ta Pas. Pas Perfekto ta posibel djis keda konektá ku e Dios di Pas.

Bo ta 24/7 konektá ku Jehovah Shalom; Dios di Pas?
Produksion PGM

ANÁLISIS BIAHE PA ÄLAND

Pa: Dr. Willem Cecilia

Na 2016 un diputado di entidat públiko di Boneiru tabata di opinion ku e isla mester orientá su mes ampliamente i no mester limitá su mes pa medio di isolashon i falta di konosementu pa loke ta sosodé den otro partinan di mundu. Ela konbertí su palabranan den hechos i durante dos dia tabata un invitado ofishal di e gobièrnu di e islanan Äland (pronunsiá Oland) ku ta pertenesé na e teritorio di Finlandia. Segun e komunikado di e kolegio ehekutivo di e tempu ei e modelo di e islanan di Äland ta sirbi komo éhèmpel pa hopi otro isla- i regionan di mundu. Tambe a keda tresé dilanti ku situashon konstitushonal entre Hulanda i Boneiru por siña hopi di e relashon entre e islanan Äland i Finlandia.

Siete aña i kuater luna despues a informá ku miembronan di konseho insular di Boneiru a bishitá e regio di Äland, un archipiélago ku su propio gobièrnu bou di e konstitushon di Finlandia i ku ta parti di su teritorio soberano. Segun e komunikado di prensa e struktura polítiko ta un di mas studiá na mundu i kada aña di nobo delegashonnan di diferente paisnan na mundu ta bishitá e region pa orientá na mes riba e status konstitushonal ku dentro di Finlandia ta gosa di un grado relativamente haltu di outonomia.

E historia resièn di Finlandia ta estrechamente ligá ku Suecia i Rusia en partikular. Finlandia tabata parti di e Reino Sueco desde 1249 te ku 1809. Na 1809 e imperio Ruso a konkistá Finlandia kaminda e islanan Äland tambe a kai den man ruso. Esaki a kondusí na un asina yamá 'Union personal' entre e dos paisnan bou di e nòmber di e 'Gran Dukado di Finlandia'. Despues di e pas di Fredikshamn e aña ei, e pais tabata fuertemente vinkulá ku e imperio Ruso te ku 2017. E zar di Rusia tabata e 'Gran Rei' di Finlandia ku tabata tin su propio konstitushon i gobièrnu. Despues di e derota di Rusia den e promé gera mundial e revolushon di febrüari a kuminsá i unilateramente Finlandia a deklará su mes independiente dia 6 de desèmber 1917. E independensia a keda rekonosé pa Rusia dia 4 di yanüari 1918.

Despues di e independensia di Finlandia na 1917 e diskushon a kuminsá pa ku e islanan Äland. E archipiélago tabata konsistí kompletamente di sueconan étniko i nan a eskpresá e deseo pa uni ku Suecia. E mayoria di e habitantenan ku tabata sentrá riba Suecia, pa via di un referèndum a buska pa uni nan mes ku Suecia. 95% di e totalidat a vota na favor pa uni na mes ku Suecia. Finlandia sinembargo tabata kier a preservá e archipiélago. E disputa a keda someté na e Sociedad di Nashonnan resien establesé ku ta e presesor di e aktual Nashonnan Uní, i na 1921 a disidí ku e islanan ta permanesé na Finlandia bou di e kondishon ku ta garantisá e outonomia i preservashon di e kultura sueca. Tambe a konfirmá ku e status di e islanan mester keda neutral.

E 'branding' di e islanan komo un símbolo i éhèmpel di un solushon pasífiko di konfliktonan a duna su fruta tanto internamente komo eksternamente riba senario internashonal. E regulashon a duna e islanan un imágen speshal. E imágen di pas a keda reforsá dor di movimientonan aktivo di pas i estableimentu di un instituto di pas riba e islanan. E etiketa a kontribuí na un kantidat di investigadornan, delegashonnan di disidónan polítiko i institutonans di sosiedat ku ta bishitá e islanan pa kustumbrá nan mes ku e 'islanan di pas'.

Den un komunikado resien publiká den un matutino lokal por keda dedusí ku Hulanda mester tuma un ehèmpel na Finlandia pa loke e manera kon ta trata e pueblonan di e islanan BES i hasi muchu mas mihó dor di mas outonomia i ménos supervishon. Sinembargo riba plano internashonal pa loke ta trata e orden hurídiko, Hulanda no por keda kompará ku Finlandia den relashon ku e islanan BES. E orden hurídiko interno tambe ta kompletamente diferente. E relashon konstitushonal entre Finlandia i e islanan Äland a surgi di un konflikto entre Suecia i Finlandia i a keda someté na e Sosiedat di Nashonnan i a duna Finlandia soberania riba e islanan Äland, pero bou di garantia pa protegá idioma, kultura i outonomia di e islanan. Pa loke ta trata idioma i kultura ta referí na esun sueca i no finlandes.

Ademas meser tene bon na kuenta ku den e konteksto di e tempu ei, e Komishon di Huristanan apuntá pa e Sosiedat di Nashonnan a dikta ku e derecho di outodeterminashon no ta un derecho garantisá. A bisa ku e derecho internashonal positivo no ta rekonosé e derecho di gruponan nashonal komo tal pa separá na mes di e estado ku nan ta forma parti di dje dor di simplemente ekspresá un deseo, i tampoko ta rekonosé e derecho di un otro estado pa eksigí e separashon, refiriendo na Suecia.

E derecho di outodeterminashon aktualmente ta un derecho hurídikamente eksigibel i ta kai bou di e derecho internashonal positivo. Ta evidente ku serka un mayoria di e miembronan di konseho insular di Boneiru sin un mandato klaro, e asunto di e islanan Äland a keda resusitá komo preteksto pa organisá un referèndum paralisante pa loke ta e struktura estatal i/òf e laso konstitushonal ku Hulanda. Esaki pasobra e ta e úniko opshon pèrmití bou di e orden hurídiko internashonal.

Esaki ta trese kuné un 'kontradikshon den término' ku punto 8 di e akuerdo di koalishon ku a keda firmá dia 5 di aprel 2023 ku ta bisa lo siguiente: Dentro di e responsabilidatnan di gobernashon lo krea un modo pa hasi e relashon ku e gobièrnu sentral negoshabel. Esaki komo ophetivo pa logra un nivel di bienestar i efektividat atministrativo pa ambos, ku ta satisfasé tantu e gobièrnu sentral komo esun di Boneiru, i kaminda nos derecho riba outodeterminashon i identidat ta salvaguardiá. Evaluashonnan regular mester asegurá ku ta mantené e rumbo korekto. Pa optimalisá un representashon direkto i kontinuo di interesnan i kontakto ku Den Haag, den konsulta lo establesé un konstrukshon pa representá e interesnan.



Outo di OLB mal stashoná

KRALENDIJK — Un ciudadano a tuma nota di un outo di OLB mal ku praktikamente na vários okashon outonan ta stashoná na e sitio aki. Irónikamente warda di polis ta djis den bògt.

“Aparentemente lei i regla no ta konta pa Entidat Públiko Boneiru (OLB)”, un ciudadano ta kuestioná. Un ciudadano a tuma nota di un outo di OLB stashoná kaminda klaramente esaki no ta permití. A bira manera normal ku praktikamente na vários okashon outonan ta stashoná na e sitio aki. Irónikamente warda di polis ta djis den bògt.



Pa promé bía

JC & Friends a biaha pa Hulanda

KRALENDIJK—E agrupashon krioyo JC and Friends a subi avion djaweps anochi rumbo pa Hulanda. Despues di a kumpli ku vários kompromiso lokal, e agrupashon a biaha pa kumpli ku e kompromiso pafó di Boneiru. Mester bisa ku ta promé bía ku e banda ta presentá na Hulanda. Dia 22 di yüli nan ta forma parti di un piknik krioyo baliabel na Den Haag.



Den idioma hulandes

Promé kurso avansá di historia i kultura

KRALENDIJK – e kurso avansá. Ta bini Djumars 25 di yüli Fundashon Histórik Kultural Boneriano (FuHiKuBo) ta start ku su promé kurso avansá di historia i kultura na idioma hulandes. Aparte di historia i kultura den un tiki espasio tambe pa atendé naturalesa boneriano. Dosente pa e kurso ta Bòl Antoin, pero lo tin algun seshon tambe ku dosentenan invitá.

E último añanan a organisá e kurso básiko na desena di okashon, semper ku salanan yen. Awor a yega momentu pa

E kurso ta dura dos siman ku lès riba djumars i djaweps anochi di 7'or pa 9'or, djasabra di 2'or pa 5'or. E fechanan ta: 25, 27 i 29 yüli, 1, 3 i 5 di ougùstùs 2023. Ta sera e kurso ku un kaminata edukativo.

Preis pa partisipá ta \$ 85,-- pa persona. Por inskribí via app na telefòn +599 790 9292. Tambe na fuhikubo@gmail.com

Nominá penshonado pa haña trit

KRALENDIJK – Kua penshonado segun bo ta meresé pa nan pon'è den sentro di atenshon? E diputadonan Jolinda Craane i James Kroon ta nominá tambe dikon ta netamente e penshonado akí meresé e trato spesial akí. Naturalmente penshonadonan por registrá nan mes tambe.

Jolinda Craane: ‘E trahadónan di ayera a pone e base pa e Boneiru di awe. Te ainda nan trabou ta visibel diariamente. Danki na nan ku komo isla nos ta kaminda nos ta awor akí. Laga nos no lubidá nan i selebrá konhuntamente nan penshun bon meresí.’

Dia di penshonado
25 di yüli 2023
Penshonado bo ta apresia!

Apertura lobi Warehouse Supermarket

KRALENDIJK – Djabièrnè mainta a tuma lugá apertura ofisial di e lobi nobo di Warehouse Supermarket. Ta trata di e último parti di e renobashon pa e supermarket.

Philip Winkel, e direktor nobo a bisa nan ta super kontentu ku awor e supermarket ta kompletamente kla, pa sigui duna e bon servisio. Tambe nan ta kontentu ku e kliente.

“A dura hopi, pero awor ta kla ku e trabou, ku nos huntu ku tur trahadó a logra. Awor garoshinan ta paden i momentu áwaseru kai, e kliente no mester ansha, pasobra garoshinan ta

stashoná bou di dak i den friu. Tin poko mas lugá pa stashoná vehíkulo, awor ku e parti di entrada nobo ta kla. Paden e tienda su rèkinan ta bon yená ku produkto pa e kliente. Pues Warehouse Supermarket ta bon di stòk i ta invitá tur hende pa pasa wak i hasi nan kompra,” esaki ta loke e direktor a bisa, kende tin algu mas ku 1 aña na kabes

di e supermarket. E tin kasi 4 aña di konosementu di e tienda i awor un aña komo direktor.

Riba e dia tabatin diferente speshal i regalo pa e kliente, kombiná ku música i mas. A saka potrèt di e promé kliente ku a hasi e paseo na e entrada i tur hende ku a bishitá e supermarket e mainta a haña un djus natural fresku.



Enkuentro di famia Martines



Delegashon Arte di Palabra a biaha pa Aruba

Djabièrnè e delegashon di Arte di Palabra di Boneiru a biaha pa Aruba, pa prepará pa e kompetensia interinsular di Arte di Palabra. Djabièrnè 14 yùli e islanan ABC a kompetí kontra otro den diferente kategoria di poesia i kuenta. For di Boneiru a biaha 12 partisipante.



Selebrashon Eukarístiko na Kapèl San Fransisco

KRALENDIJK- Bunita santu sakrifisio di misa na Kapèl San Fransisco.

Misa tabata yen di hende spesialmente adultonan

mayó di Kas di Grandi Fundashon Mariadal.

Pader Ranulfo Gonedá a hasi e misa i durante e selebrashon Eukarístiko, el

a resa i bendishoná esnan ku a kumpli un aña mas di bida, ku awa bendita.



Aktivitat den fakansi na Biblioteka

KRALENDIJK -- Biblioteka tin komo tarea pa laga hende sera konosí ku arte i kultura i di mes tambe pa stimulá lesamentu.

E biblioteka ta gusta traha ku otro organisashon i tambe iniciativa. Buki di prèt ta un ehèmpel di esaki. Den fakansi grandi tin un programa spesial durante Buki di prèt.

E muchanan ta haña un rekorido, tin mag di skohe un buki, ta lesa pa nan i despues di esaki nan mas ta bai traha aktivamente.

Djaweps e buki 'Prinses

Arabella in het museum', tabata na bùrt.

E muchanan mes tambe a bai traha nan propio obra di arte.

Tin algun lugá habrí mas pa partisipá, dianan 20 i 27 di yùli di mitar di tres pa 4'or, dianan 3 i 10 di ougùstùs di mitar di dies pa 11'or.

Reservashon ta deseabel via number di telefòn +599 715 5344.

Partisipashon ta grátis i por asta bira miembro mesora di Biblioteka. Esaki tambe ta grátis pa mucha i hóben te 18 aña.





OPTENIBEL NA

Kuranderia popular



Natural i spiritual

Un proyekto di Unesco i FuHiKuBo



Ofisina di FuHiKuBo

Ofisina di Extra

Del Mar BV





Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò Kès 93.5 FM

pokopoko pero sigur mas i mas hende ta ...

Skuch'è

Telefon/ WhatsApp +599 701 0935
www.radio935bonaire.com



Fábula i echonan di Brandaris (2)

Pa: Pastor Eeuwens

E area di Slagbaai, Washington i Brasil ta hopi montañoso. E seru mas haltu den e region aki ta Brandaris. Na promé instante henter e area aki tabata yamá Slagbaai, pero despues a partié den Brasil, Washington, miéntras ku un parti a keda yama Slagbaai. Riba orígen di e nòmber Slagbaai tin diferente pensamentu ta eksistí. Entre otro ku den e área ei lo tabatin un kombate militar tantu riba tera komo riba laman ku a eksigí bida di hopi hende. Pero den dokumentonan historiko no por a haña e evidensianan aki, loke Pastor Eeuwens ta konsiderá komo algu improbabel.

Mas informashon

Pa mas informashonnan botániko di Brandaris mester a warda te na aña 1910, den kua aña Dr. I. Boldingh, tambe botanista, a subi Brandaris pa hasi investigashon científiko. Frutanan di

su investigashon el a publiká den e buki 'Flora voor de Nederlandse West-Indische Eilanden' (1913). Dr. Boldingh a bishitá Boneiru nèt den tempu di yobida. Tabatin áwaseru fuerte na aña 1910. Riba pagina 163

di su buki ta hasi mension di vários palu i mata ku el a topa riba e seru aki, manera likiloki (lokiloki) òf karkidaki, stòki di mòstert, mahubari, oliba, bara blanku, lumbra blanku, lele, rabu di kabai, wabi, dividivi, palu di Boneiru,



Faro Brandaris riba e isla hulandes Terschelling.

dreifi shimaron i hopi mas palu i mata. Kasi tur palu ku ta krese riba Boneiru kompletu.

Orígen di nòmber



Riba orígen di e nòmber di Brandaris tin diferente pensamentu ta eksistí. Diferente seru na Boneiru a keda ku nan nòmber di tempu indjan, tempu ku e isla tabata habitá pa indjanan Kaketio. Por ehèmpel serunan manera Wecuwa, Yuwa, Koumati i Nawati. Tambe Karakou i Hobao. Salí for di e liña di pensamentu ei lo por asumí ku Brandaris tambe a originá di tempu indjan. Den boka di pueblo e seru aki tabata i te ainda na Rincon ta yamá Blandá. Sinembargo ta posibel tambe ku ta hulandesnan a duna e seru aki nòmber di Brandaris. Pensamentunan di un hende ku sa algu na altura di nabegashon por bai den direkshon di e faro Brandaris riba e isla hulandes Terschelling dilanti kosta hulandes. Saliendo for di pensamentu ku ta hulandesnan a yama e seru aki Brandaris, nos ta bai bèk den historia di nabegashon hulan-

des i den kua e Islanan den Caribe a hunga un ròl importante. E barkunan hulandes via islanan Azores tabata drenta laman Caribe atraves di Mona Passage entre Santo Domingo i Puerto Rico. Despues di pasa St. Eustatius nan tabata sigui den direkshon di Aruba, Kòrsou i Boneiru, por sierto den un époka kaminda no tabatin faro riba e islanan aki. Pues un trayekto yen di peliger. Anochi pues kapitan di e barkunan aki mester a hasi hopi esfuerso pa no pega riba tera, miéntras ku durante dia seru i barankanan den laman tabata guiadó di e kapitannan aki. Hopi ta e barkunan ku a yega di pega riba e islanan pariba di Boneiru, esta Aves i Los Roques. Momentu ku e barkunan di bela hulandes yega den serkania di Boneiru i e kapitan i tripulantenan mira seru Brandaris, esaki tabata duna nan trankilidad i siguridat. Brandaris pues tabata un punto hopi importante di orientashon pa e barkunan aki, promé ku nan yega Kòrsou.

MONCHI & TONCHI

Shon Polis den akshon i pafó di ofisina Tonchi

Awèl si, nan por bin traha serka nos den ofisina. Boris lo no wòri



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com

Liturgia no ta e lugá pa promové mi kultura

Kardinal Robert Sarah

«Mi ta un afrikano, permití mi bisa klaramente: liturgia no ta e lugá pa promové mi kultura. Mas bien, e ta e lugá

kaminda mi a batisá mi kultura, mi kultura, kaminda mi ta apsorbé den lo divino.

Mi ta lamentá e hopi deformá di liturgia den Iglesia di awe. Eukaristia ta un don demasiado grandi pa atmití ambigwedat i redukshon.

Hopi saserdote ta pone nan mes banda asina pa permití ku e ministronan ekstraordinario ta parti sagrada Komunion. Esaki ta malu, e ta un nengashon di e ministerio saserdotal, asina komo un klerisalisashon di laikonan, ora esaki ta sosodé e ta un señal di ku e formashon a ser malu, i ku mester ser koregi».



- Kardinal Robert Sarah, Konferensia Inougrual Sacra Liturgia UK 2016

Demokrasia i hustisia

Outor: P. Fernando Pascual

E título a bai di ta “Demokrasia o hustisia”, pero e lo por hiba bo na mal entendimentu. E punto ta simpel: ki relashon ta eksistí entre demokrasia i hustisia? Pa kontestá, e mirada mester alargá su mes i konfrontá un pregunta previo: ki relashon ta eksistí entre un sistema polítiko kualkier i hustisia? E kontesta ta artikulá den dos nivel. Promé: den e sistema mes. Di dos, den esnan ku ta asumí e responsabilidat di ser gobernantenan segun metanan ku nan a proponé.

Ta eksistí sistemanan políti-

ko ku ta dañá den nan mes struktura. Kier men, tin forman di gobièrnu i di partisipashon ku ta nase heridá di morto, pasobra e ta impliká diskriminashon, eksklushon, marginashon di gruponan, supreshon di derechonan básiko di sernan humano. Ta p’esei por papia di sistemanan polítiko esensial in-hustu, kier men, sistemanan ku for di leinan i for di strukturanan ta promové i mantené situashonnan di dañu mas o ménos grave pa

ku personanan. Komo tambe ta eksistí sistemanan polítiko mas hustu, orientá pa sirbi hende i pa alkansá mehorashonnan real den e bida sosial. E di dos nivel ta referí na e gobernantenan. Un sistema strukturalmente in-hustu por tin gobernantenan ku ta buska pa limitá dañonan, ku ta promové algu di bon entre hendenan apesar di leinan. Na mesun tempu, un sistema strukturalmente hustu (o ménos in-hustu) por tin gobernantenan korumpí, kobarde, ambisioso, arogante, kende ta provoká enorme dañu na persona i gruponan.

Lo ideal (ta bon pa no keda sin konsiderá idealnan na e ora di biba) lo ta di haña un sistema ku un struktura sano i ku bon gobernantenan. Laga nos ban bèk na e dos palabranan di inisio: **demokrasia i hustisia**. Demokrasia ta un sistema bon?

I esnan elegí, segun leinan elektoral kompleho i ku ta provoká enorme diskushonnan, nan tin un nivel di honestidat i un amor pa hustisia sufisiente manera pa promové e bon di e sosiedat? Si nos no konfrontá e preguntanan aki, no tin muchu sentidó alabá esnan ku ta promové konsolidashon di demokrasia si promé nos no a analisá si e sistema aki supuestamente demokrátiko ta hustu, i si esnan ku ta goberná ta prepará i ta poseé un aktitut étiko sufisiente pa e responsabilidatnan ku nan ta asumí dilanti esnan ku ta spera pan, trabou, seguridat i un rèspèt masha grandi pa e derechonan fundamental di tur hende.

BAHA aselerá

10 pa 15 yuli 2023

Kurso Baha Aselerá ta un plan di 5 dia konsekutibo di 2 ora ku ta inklui guia, buki di Menú i su buki di Reseta, Fitness training ku personal trainer i Sauna

Orario mainta
7:30 pa 9:30
òf atardi
5:30 pa 7:30
di djaluna pa djabièrnè
ku final
djasabra mainta 8:00

e oportunidat baha pa 3 kilo den fakasi i mehorá bo salú i di bo yunan!

30 %

Preis ta Naf. 140.00 pa e 5 dianan mas guia i fitness e sobra dianan di yuli. Bo por kumpra e bukinan so pa Naf. 54.00. Pa selebrá kompleaño di Melly Bergland bo ta risibi un deskuento di

Puntra pa bo karchi di deskuento adishonal!

Pyramid Top Wellness Center; Menegrandeweg 2, huki Rio Canarioweg, Tel. 869-7733 of app. 520-8544

LOKO LOKO SPECIAL

Eternit

4,99 p/vt

5,49 p/vt

Steel Tubing

20x20x2 28,95

25x25x2 37,95

40x40x2 59,95

80x40x3 144,95

Betonmat - FEB500 - European quality

4mm 53,50

5mm 88,50

6mm 99,50

8mm 179,50

10mm 279,50

Superfloor

8m 228,-

10m 285,-

11.8m 337,-

PVC Casement Doors Tinted Glass 930x2030

529,99

Grooved Pine

9mm 70,-

14mm 110,-

Kruiwagen 85L

135,-

Betonijzer FEB500, 6mtr. length

6mm 4,99

8mm 6,99

10mm 10,99

12mm 15,99

Pool Coping

20%

PVC 10%

All Windows 25%

Betonplex OES 18mm

67,99

Dakpan TB-12 Marron

TEJAS BORJA Unicos desde 1899

4,99

GOMEZ ENTERPRISES

Bo Solushon Den Konstruksjon!

Offer Valid until 15-7-2023 or while supplies last

STATIA/SABA/ST. MAARTEN

Durante tayer tokante standardnan i strategia edukativo

Resultado hopi prometedor

THE BOTTOM -- Re-sientemente Dutch Caribbean Nature Alliance (DCNA) a organisá un tayer tokante standardnan i strategia edukativo, kaminda outoridatnan prominente di parke i protekshon di naturalesa di den region Karibe Hulandes, a bini huntu. E tayer a enfoká riba desa-

royo di standardnan edukativo i kon pa pensa strategianan efektivu i edukativo pa e organisashonnan di parke Aruba National Park Foundation, Saba Conservation Foundation, Nature Foundation St. Maarten i St. Eustatius National Parks Foundation.

E evento a tuma lugá di

4 pa 6 di yüli i a resultá un éksito rotundo, kaminda a optené informashonnan balioso i a logra resultadonan ku por usa.

Meta di e tayer tabata pa formulá un kuadro uniforme pa normanan edukativo den e parkenan ku ta partisipá, pa garantisá eksperensianan edukativo

konsistente i di balor haltu. Pa medio di sinkronisá nan esfuersonan edukativo ku otro, e organisashonnan di parke lo promové un mihó komprendementu i apresio di e biodiversidat úniko i natural na nan respektivo islanan.

Durante e tayer, e representantenan di parke i di protekshon di naturalesa a okupá nan mes ku diskushonnan fuerte i seshonnan di interkambio di konosementu pa desaroyá strategianan ku lo mehorá inisiativanan edukativo dentro di nan organisashonnan. E presentenan a eksplorá diferente aserkamentu i a hasi uso di nan ekspertisio kolektivo pa krea vários programa edukativo impaktante ku ta inspirá manejo di medio ambiente, konservashon di biodiversidat i práktikanan sostenibel.

Un di e resultadonan mas importante di e tayer, tabata identifikashon i kompreshon di e hiatonan den oferta di enseñansa di e organisashonnan ku ta partisipá. Pa medio di rekonosé e hiatonan akí, e organisashonnan por atendé konhuntamente ku nan i surpasá nan ku solushonnan direkto, di manera ku ta garantisá un plan edukativo di naturalesa mas amplio.

E tayer a sòru tambe pa posibilidatnan fruktífero di ret i kolaborashon entre e organisashonnan. Pa medio di kompartí ekspe-

rensia i mihó práktika, e presentenan a deskubrí posibilidatnan nobo pa kolaborashon, manera proyektonan edukativo i interkambio di fuente. Fortifikashon di e relashonnan akí lo promové sinergia i hasi posibel pa e organisashonnan traha konhuntamente riba nan metanan kompartí riba tereno di konservashon di medio ambiente i enseñansa.

Komo instansia organisadó, DCNA a ekspresá su satisfakshon tokante e resultadonan di e tayer tokante standardnan i strategia edukativo. E aliansa ta rekonosé e ròl krusial ku enseñansa ta hunga na momentu di promoshon di un konekshon profundo entre hende i naturalesa i ta sigui hasi esfuerso pa sostené i fasilitá mas kolaborashon entre organisashonnan di parke hulandes karibense.

Kordialmente DCNA ke gradisí Ofisina di Turismo di Saba, pa nan sosten ku e sala di konferensia Glenn Holm i pa e sosten generoso di e finansiadó, Fondo di Naturalesa Mundial Hulanda, pa nan kontribushonnan impagabel na e éksito di e tayer tokante standardnan i strategia edukativo.

DCNA ta apresia nan kolaborashon, nan ekspertisio i nan sosten kontinuo enormemente, na momentu di promoshon di e mision kompartí pa protehá naturalesa di Karibe Hulandes.



Proposishon Little Key Nature Park aprobá

PHILIPSBURG – E ministerio di VROMI ta anunsiá ku e proposishon pa e estableimentu di Little Key Nature Park na Simpson Bay Lagoon, oficialmente a keda aprobá dor di Konseho di Minister. Esaki ta un logro significativo ku ta marka un paso krusial pa dilanti den preservashon i mehorá e ambiente natural di e isla.

E meta, loke ta inkluí un akuerdo nashonal general di medida, LBham i un memorandum di splikashon, NvT, ta mira pa formalisá e designashon

di Little Key komo un parke di naturalesa.

E proposishon di e parke ta kuadra ku e konvenshon di parkenan di naturalesa den e region i ta reflehá e importante di perseverá habitatnan natural.

Little Key, ta kubri 2.500 meter kuadrá, konsistiendo di haf i diferente espesie di pal'i mangel i palu di katuna. E palunan di mangel ta sirbi komo habitat vital pa kantidat di espesie.

“Nos ta kontentu di anunsiá e aprobashon di Little Key Nature Park dor di Konseho di Minister.

Esaki ta un paso significativo ku ta demostrá e kompromiso pa preservashon di medioambiente i desaroyo sostenibel na Sint Maarten. E estableimentu di e parke natural lo salbuardiá e biodiversidat úniko di Little Key, su área húmedo, segurando su protekshon pa generashonnan di futuro. Nos ta mira dilanti pa traha huntu ku partnernan i e públiko pa realisá e vishon di e parke di naturalesa remarkabel akí,” Minister di VROMI, Egbert Doran, a bisa.



HULANDA

Direktiva VVD ke mira Yesilgöz komo susesor di Rutte

DEN HAAG – Direktiva di VVD ta sostené e kandidatura di Dilan Yesilgöz pa lider polítiko di e partido. E minister demisionario di VVD, djárason a laga sa ku e ke sigui Mark Rutte.

Presidente di partido, Eric Wetzels, djaweps mainta a bisa den un deklarashon na miembronan di VVD, ta fèrfelu pa sigui e pasonan grandi di Rutte. Sí un hende por, esei

ta Dilan.

Desde djaluna te djadumingu 13 di ougùstùs, miembronan di VVD por mèldu nan mes sí nan ta kontra di e favorito di direktiva.

Eks Parlamentario, André Bosman, a duna di konosé ku e ke tuma e batuta. E ta haña ku e miembronan di VVD mester tin algu pa skohe.

Yesilgöz di 46 aña desde aña pasá ta Minister di

Hustisia i Siguridat. Anteriormente e tabata Sekretario di Estado i Parlamentario pa VVD. Promé di su tras-paso pa Den Haag, e tabata miembro di konseho na Amsterdam.

E último lunanan komo Minister, Yesilgöz a guia e negoshonnan di Gabinete tokante maneho di mi-grashon.

Djabièrnè último Gabinete Rutte IV a kai tokante e tema akí.



Hòmber a muri i dos herido

Detenshon pa hinkamentu fatal

LEIDEN – Polis na Leiden a detené un so-

spechoso pa un kaso di hinkamentu kaminda un hòmber di 66 di Leiden a muri djabièrnè mainta. Dos

otro víktima a resultá heridá, di kua unu serio.

Ta pidi hendenan ku sa algu, pa mèldu serka Polis.



Despues di e atake den Diaconaal Centrum De Bakkerij na Oude Rijn, kaminda diferente organisashon di ayudo ta establese, e sospechoso a bati retirada. Djis despues Polis a inisiá un búskeda i agentenan fuertemente armá i un helikòpter di Polis, a buska e hòmber oranan largu.

Banda di 3'or a detené e sospechoso riba Langegracht na Leiden, no muchu leu for di Oude Rijn. Polis ainda no sa sigur sí realmente e ta e kulpabel.

Tokante e motibu di e kaso di hinkamentu, ainda no tin nada konosí. Tampoko ta konosí sí tin relashon entre e akohida i e sospechoso ku awor a detené.

E víktimanan di e kaso di hinkamentu, segun e presidente ta trahadónan di e sentro.

Presidente Verweij anteriormente a bisa Omroep West, ta trata di un trahadó pagá, un boluntario i un hende ku ta traha serka un otro organisashon di ayudo den e sentro.

Abogadonan nobo Taghi ta pidi suspenshon di proseso

AMSTERDAM – E abogadonan nobo di Ridouan Taghi ke garantia ku nan no ta keda skuchá durante e konsulta ku Inez Weski, e èks abogado di Taghi. Tambe nan ta pidi nuebe luna di tempu pa lesa e proseso di e kaso Marengo.

Esaki a sali na kla djabièrnè durante un seshon nobo den un Korte di alta siguridat na Amsterdam. Na aprel a arestá Weski riba sospecho di pasa informashon di i pa Taghi, na tersera. E ta liber atrobe, pero dor di su detenshon mester a bandoná e defensa.

Su siguidónan djabièrnè a pone hopi interrogante di e asuntunan andando rònt di Weski. Segun un di e abogadonan nobo, Arthur van der Biezen, ta sospech'è di pasa informashon entre e momentu ku a detené Taghi na mart 2021.

Van der Biezen ta puntra su mes dikun ta te despues di dos aña di su detenshon numa, miéntras e proseso Marengo ta kanando. El a papia di posibel manipulashon di proseso dor di Ministerio Públiko. Pero segun e fiskalnan di hustisia, nunca nan a haña informashon tokante e investi-

gashon di Weski.

Van der Biezen ta eksigi garantia ku Ministerio Pú-

bliko no ta skucha e abogadonan nobo momentu ku nan ta den konsulta ku

Weski. E fiskalnan a ripití ku nan no sa nada tokante e investigashon di Weski.



KÒRSOU

Apertura ofisial di e área di rekreashon Marie Pampoen

WILLEMSTAD— Djaweps 13 di yùli tabata apertura ofisial di e área di rekreashon na Marie Pampoen. Ta trata aki di e terser fase. E área di rekreashon tabata na enkargo di Minister di Desaroyo Ekonómiko, Ruisandro Cijntje. Presente na e apertura tabata Minister Presidènt, Gilmar Pisas enkargá alabes ku e kartera

di Medio Ambiente i Naturalesa, Minister di Tráfiko, Transporte i Planifikashon Urbano, Charles Cooper, tambe tabata presente Minister Ornelio Martina i Minister Sithree van Heydoorn. Fase 3 ta inklui un área di playa ku 9 palapa, sitio pa mucha hunga, área pa ehersisio den airu liber inkluso pa hende ku de-

sabilidat, área pa piknik, skatepark, vèlt pa bich volley, 4 kiosko pa aktividat komersial, un edifisio pa tualèt i diferente banki i

mesa. Ademas a drecha i amplia e área pa kana i kore ku tabata eksistí kaba i e asera na Dr. Martin Luther King Boulevard. Tambe a

konstruí diferente área ku hende por kana, pone mata, instalá diferente tipo di lus i a realisá instalashon pa awa, lus i ‘riolering’.



Detenshon relashoná ku maltrato i destrukshon

WILLEMSTAD— Djaweps 13 di yùli 2023 alredecor di 07.05’or, sentral di polis a dirigí un unidat pa Sebastopolstraat pa un problema relashonal.

maltrat’ é i destruí un tayer di su outo. Polis a detené e hòmer sospechoso J.J.S. di 39 aña di edat nase na Kòrsou, relashoná ku e kaso ariba mensioná.

Na yegada di e unidat, a topa un dama ku a deklará na polis ku e tabatin un diskushon ku su èks partner i e último aki a

A presentá e sospecho dilanti di un fiskal ouksiliar ku a ordená su enkarselamentu pendiente di mas investigashon.

Detenshon pa falsifikashon

WILLEMSTAD-- Relashoná ku un kaso di falsifikashon, polis a realisá un detenshon. Esaki a tuma lugá djamars 11 di yùli 2023 alredecor di 20.25.’or. Riba òrdu di Fiskal di Ministerio Públiko, reshèrshinan

di VVC a detené e hòmer sospechoso S.J.C. di 25 aña di edat nasé na Repùblika Dominikana.

A presentá e sospecho dilanti di un fiskal ouksiliar ku a ordená su enkarselamentu pendiente di mas investigashon.

Defensor di pueblo serka presidente di Parlamento

WILLEMSTAD-- Defensor di Pueblo di Kòrsou Keursly Concincion a hasi un bishita serka presidente di Parlamento Charetti America-Francisca. Esaki

a tuma lugá djamars 11 di yùli. Concincion a entregá relato anual 2022 di e instituto.

Defensor di Pueblo ta e instituto ku por hasi inves-

tigashon a base di un petishon, riba e manera ku un órgano gubernamental ta komportá su mes den sierto situashon ku un siudadano.

Detenshon relashoná ku atrako

WILLEMSTAD-- Relashoná ku un atrako ku a tuma lugá dia 27 di yùni den un pakus riba Gomezplein, polis a realisá un detenshon.

na su kas den Brionweg.

Despues di su detenshon a kontinuá ku un entrada hudisial na e mesun adrès, na unda a konfiská artíkulonnan ku ta di importansia pa e investigashon.

Kontinuando ku e investigashon, djárason 11 di yùni, tim di aresto a detené e hòmer V.H. di 35 aña di edat nasé na Kòrsou.

A presentá e sospecho dilanti di un fiskal ouksiliar ku a ordená su enkarselamentu pendiente di mas investigashon.

Detenshon a tuma lugá



ARUBA

Cuatro auto involvi den e accidente y varios persona herida

ORANJESTAD – Diahuebs den careda di 5’or ambulance y polis a bay direccion di Green Corridor. Un accidente di trafico entre 4 auto a sosode pabou di rotonde di Balashi.


Na yegada di polis ya ambulance tawata na e sitio atendiendo un cabayero herida, cu lo a dal su cabes hopi duro den e windshield.

Tawatin dos ambulance, uno tawata saliendo cu e chauffeur di e Mitsubishi direccion Hospital.

Por a mira cu nan a sali cu velocidad halto direccion Spoed Eisende Hulp. Paramediconan di e segundo ambulance por a wordo mira ta sacando un dama for di e Honda CRV. Algun rato despues e di tres ambu-

lance a presenta.

Trafico mester a wordo desvia for di rotonde di Sero Thijshi pa Barcadera, pa esnan cu mester a bay pariba di brug. Polisnan di trafico tawata na e sitio pa haci nan investigacion y tambe mester a warda te ora takelwagen yega pa move e autonan, cu tawata memey di caminda.



Pastoral Hubenil Noord a tene un tayer importante

ORANJESTAD -- Recientemente, e conocido Jhon Freddy Montoya a duna e hobennan di Pastoral Hubenil Noord (PHN) un tremendo tayer di ‘Tecnicanan di Presentacion’ cu tabata consisti di tres encuentro hopi fructifero y

valioso pa e hobennan.

No solamente e tecnicanan aki ta yuda e hobennan den nan trabou pastoral, pero nan ta di gran importancia tambe den cualkier otro aspecto.

Riba e di tres y ultimo dia di e encuentro, e ho-

ben Rachelle Rodriguez, den nomber di ful e grupo di PHN, a haci entrega di un Certificado di Agradecimiento na Jhon Freddy pa asina duna demostra cu nan a keda hopi contento y satisfecho cu e tayer aki!



Gigi Helder a ser laga den libertad

ORANJESTAD -- Algo mas cu 24 ora, e comerciante Gigi Helder a keda deteni despues cu Ministerio Publico y ekipo di RST hunto cu rechenan di KPA, a tene un razzia na tanto su negoshi Fast y tambe na su cas. Segun un comunicado emiti pa Ministerio Publico cu lo ta trata di un investigacion pa labamento di placa di cual nan ta sospecha cu e comerciante lo ta meti aden.

Antayera mainta por a nota presencia ainda di oficialnan di husticia na e negoshi combersando cu trahadonan y tambe buscando documentonan cu por wordo confisca y den oranan di atardi, e accion aki a termina. Pa banda di 6’or di atardi tambe, a drenta e noticia confirma pa Ministerio Publico cu a laga Gigi Helder den libertad, pero cu e sospecho di labamento di placa ta continua contra di su persona.

Notabel di e caso aki, sin cuestiona e decision

di laga e comerciante den libertad, ta cu den pasado Hues Comisario tanto den caso di ex Minister Paul Croes y ex Minister Benny Sevinger, tambe tabatin acusacion di labamento di placa y nan si a mira nan detencion preventivo, wordo alarga cu varios siman y hasta luna.

Otro caso straño ta e caso di e oficial di Polis Roberto Vos di 40 aña, kende siman pasa pa medio di su abogado, a haci un apelacion na Hues cu a trata su caso Pro-Forma, pa permiti e agente policial bay su cas sperando e investigacion.

Segun un comunicado emiti pa Ministerio Publico despues, ta muestra cu polis Vos ta ser sospecha of acusa di malversacion na pia di trabou, di a comete soborno y tambe di labamento di placa loke ta crea confusion den comunidad riba e forma di procede di Ministerio Publico, aunke cu tin cu menciona cu por tin diferencia den e casonan aki.

DEPORTE

Supkampion U8 ta regresá djasabra

KRALENDIJK--Federashon di beisbòl i sòftbòl Boneriano a partisipá ku nos supkampionnan ta regresá kas awe, djasabra 15 di yüli 2023 pa 1:19 for di Merka.

Pa medio di esaki nos ke invitá komunidad boneriano pa ban apoyá nan na nan yegada i laga nan sinti kon orguyoso nos ta di nan.

E loke e muchanan aki a hasi pa nos i nos isla no tin preis ni sèn pa paga.

Ban paga a muchanan aki sinti ku realmente nos ta apresia loke nan a hasi pa nos titulando e promé supkampion di beisbòl U8.

Esaki ta algu grandi pa nos muchanan pero tambe pa nos isla, loke tur otronan ta apresia i papia di dje, kon

un isla chikitu manera Boneiru a logra esaki.

Nos mester ta hopi orguyoso di e muchanan den e selekshon U8 ku a logra esaki. Nos tin bai risibí e muchanan aki na aeropuerto na nan yegada awe djasabra mèrdia. Nos tin ku balorá e muchanan aki i laga nan sinti ku nos ta hopi orguyoso di nan.

Ta konta pues ku un i tur pa nan duna nos muchanan di selekshon U8 di beisbòl, nos supkampionnan aya na Merka, pa loke nan a hasi pa nos.

Ta konta ku boso djasabra mèrdia na aeropuerto pa risibí nos muchanan di U8 na nan regreso na kas ku e título di supkampion Beisbòl U8 aya na Merka.



Promé biá den historia

Torneo futbòl dama Gold Cup Concacaf

KRALENDIJK--Federashon di futbòl di Boneiru ku ta FFB, ya tin e kalènder di nos selekshon di daman pa e weganan di e torneo "Road to Gold Cup Concacaf W."

Ta promé bia den historia ku nos selekshon futbòl daman ta hunga un wega ofisial.

Esaki ta e skema pa e

weganan.

Dia 21 di sèptèmber 2023 nos ta hunga na kas kontra Turks & Caicos.

Dia 25 di sèptèmber nos selekshon ta hunga na Belize kontra Belize ku ta hunga na kas.

Dia 26 di òktober Boneiru ta hunga kontra Aruba.

Dia 30 di òktober nos ta na Aruba pa hunga kontra

Aruba.

Dia 4 di desèmber nos selekshon daman ta na Turks and Caicos pa hunga kontra e pais aki.

Esaki pues a skema pa e promé partidonan di nos selekshon di daman pa loke ta trata e weganan pa Gold Cup Concacaf Damas.

Hobon vs Suri Friends

KRALENDIJK--Di akuerdo ku informashonnan di deporte ku a yega nos redakshon e siman aki, djasabra o sea awe SV Hobon lo enfrentá e ekipo Suri Friends den Stadion di Playa pa 5'or atardi.

E partido aki di akue-

rdo ku e informashonnan ku nos a risibí, ta primintí di bira un tremendo partido awe den oranan di atardi buska nochi.

Nos ta sigur tambe ku e partido aki lo hala basta fanátiko pa presensia e partido aki.

Resultado Ranking Bola-8 djaweps

KRALENDIJK--Torneo biliart pa Ranking Bola-8 a sigui djaweps último den sala di bliart di Kompleho Deportivo George Nicolaas na Kaya Amsterdam ku diferente partido riba e anochi di wega.

Aki e resultatonan di e partidonan;

Gorge Saridjan – Gabriel Alberto 3-4.

Manolo Soleana – David Evertsz 2-4.

Daniel Millan – Braien Landskind 1-6.

Patun Saragoza – Andrew Mercera 3-5.

David Zhen – Gilbertson Serberie 4-5.

Julius Clenda – Panfilo Mercera 6-1.

Javier Sof – Oswin Margaritha 6-3.

Janiro Chatlein – Vladimir Mercera 6-2.

Garino Molina – Marvin Abdul 2-6.

Randolf Cicilia – Charlton Thomas 4-3.

Nazario i Ròi a biaha pa 'Vierdaagse'

KRALENDIJK--Nos atletanan kanadónan di vierdaagse pa hopi aña i tur aña, a biaha ayera djabièrnè 14 di yüli 2023 pa Hulanda pa despues sigui pa Nijmegen pa "vierdaagse" dje aña aki aya na Nijmegen Hulanda.

"Vierdaagse" 2023 ta ranka sali dia 18 di yüli.

Dia 17 di yüli nos

kanadónan mester ta na Nijmegen pa e kaminata ku ta kuminsá 18 di yüli 2023.

Nos kanadónan Nazario i Ròi manera sèmper ta e kaso tur aña, e bia aki tambe ta bon prepará pa e kaminata.

Tur aña fo'i momentu ku nan regresá di "vierdaagse", ta kuminsá

prepará nan mes pa e siguiente "vierdaagse", meskos tambe ta e kaso ku e "vierdaagse" dje aña aki.

Manera tur aña tambe, nos lo bai sigui e kaminata durante esaki pa informá Boneiru kon ta bayendo ku nos kanadónan den e "vierdaagse" aya na Nijmegen Hulanda.

E buelo di sobrebibensia

****Pa tene na mente, ketu bai bo por, minusiosamente gosa di buseo na Boneiru i kisas no a tuma nota di e malesa di koral si bo mira e sitionan bèrdè i te asta algun sitio oranje. E ta simplemente duru pa nos ku ta biba aki, òf a bin ta sambuyá pa hopi aña i a bin ta studia e refnan i nan habitantenan pa dèkada.**

Djárason, mi a bai chèk e zona di buseo kòrá ku mi no a bishitá pa mas ku un aña. Usando mi spòt favorito, ki devastador, nos kurason a sinti momentu ku nos tabata investigando e daño di SCTUD na e esena di e ref. Maze, Brain, Flower i Great Star Corals, borá. E dos koralnan bunita akí sin afektá ta den bon kontraste kompará ku sobrá.

Fuente/foto: Ellen Muller

**BIDA
DEN
LAMAMAN**



62 QT Wheeled Cooler

\$95



Foldable Bench

\$45



CityShop

Smart shopping ▶ Better living

**Summer
Vibes**

30
ANIVERSARIO

Foldable Electric Bike

\$749



High Beach Chair

SPECIAL PRICE
\$89

8 ft. Foldable Beach Umbrella

\$59

